



刻泉幣圖說序

泉幣圖說何爲而刻也

文炳與弟鸞

幘括之暇

嗜論六書

竊謂六書之蹟載於金石而泉幣實古金之一端自梁顧

烜初爲錢譜唐封演復續其書張台換錢錄兩卷宋李孝

美以兩人所纂外錯增廣成十卷分八品陶岳換貨泉錄

記五代諸侯擅改泉幣之由五篇金光襲換錢寶錄一卷

于公甫撰古今泉貨圖一卷董道撰續錢譜十卷杜鎬撰

鑄錢故事一卷分五門洪遵攬撫傳記爲泉志十五卷列

九品其書亦云詳矣於戲詳于中古者不能詳于太古詳

於秦漢者不能詳于殷周詳于六朝五代者不能詳于唐

宋以後昔蒼史造五百四十字天雨粟而鬼夜笑以五百

四十字之變將不可勝窮迺焚于秦壞于漢絕于唐六書

之變將不可勝窮迺焚于秦壞于漢絕于唐六書



之學幾乎殆矣其猶有未殆者則金與石耳但蔓草荒煙之下殘碑斷碣後人或假爲欺端惟泉幣則歷代之文字悉備然火鑠土蝕風剝水淹不爲淪沒而尚在人閒者寧有幾乎如或有存竟使黃口穉孩嬉而弄之販夫商賈狎而玩之又烏知其文字之所寓耶卽一二好古之士論其形製之細鉅肉質之醜好輪郭之週闕而又不能不誤于巨斤安瓜之釋也我

國家同文至治超越千古伏讀

淵鑒類函珍寶部錢條上稽太古下逮前明固已探原竟委分條晰縷昭然其大備焉文炳搜羅數載獲古錢幣四百九十餘品彙集諸史百家之說摹繪形式分爲六卷蓋倣古人左圖右書之意庶可爲考古金者一助云爾

嘉慶五年庚申仲秋月既望涇縣吳文炳柳門書於橋東香雪山莊



泉幣圖說總目錄

卷第一

太昊幣

葛天幣

葛字錢

神農幣

黃帝布貨

軒轅布貨

昌意布

吉字刀

安陽吉貨

少昊幣

高辛古刀

堯幣

陶唐古刀

舜當金貨

策馬幣

夏幣

商幣

九府圓法

沂州銀刀

卽墨古刀

寶貨錢

卷第二

秦布

安陽小布

半兩錢

漢興錢

八銖錢

四銖錢

鄧通錢

吳王濞錢

三銖錢

白金三品

半兩錢

五銖錢

鍾官赤仄錢

大泉五十

契刀

錯刀

蒙城古刀

貨布

大黃布刀

十貨大布

貨泉

小錢

幺錢

幼錢

中錢

壯錢

小布

幺布

幼布

厚布

羗布

中布

壯布

第布

次布

大布

鐵錢

五銖

四出文錢

卷第三

直百錢

直百五銖錢

傳形五銖錢

大泉五百

大泉當千

五銖錢

沈郎錢

五銖錢

四銖錢

當兩大錢

孝建錢

二銖錢

景和錢

鸞眼錢

五銖

公式女錢

稚錢

對文錢

五朱錢

定平百錢

豐貨錢

布泉

太平百錢

五銖鐵錢

大吉錢

大通錢

大富錢

四柱錢

兩柱錢

五銖錢

雞目五銖錢

布泉

大貨錢

太和錢

五銖錢

永安錢

常平錢

布泉

五行大布錢

永通萬國錢

永通泉貨

白錢

小五銖錢

卷第四

開元錢

乾封錢

得壹錢

順天錢

乾元錢

重輪錢

大曆錢

建中錢

開元錢
幕文

咸通錢

天成錢

大興錢

天福錢

天德錢

永隆錢

永平錢

通正錢

天漢錢

光天錢

乾德錢

廣政錢

漢通錢

周通錢

永通錢

保大錢

唐國錢

大唐錢

乾亨錢

乾亨鉛錢

天策錢

卷第五

聖宋錢

宋元錢

太平錢

淳化錢

至道錢

咸平錢

景德錢

祥符錢

天禧錢

天聖錢

明道錢

景祐錢

皇宋通寶錢

慶曆錢

皇祐錢

至和錢

嘉祐錢

治平錢

熙寧錢

元豐錢

元祐錢

紹聖錢

元符錢

崇寧錢

聖宋通寶錢

大觀錢

政和錢

重和錢

宣和錢

靖康錢

建炎錢

紹興錢

隆興錢

乾道錢

淳熙錢

紹熙錢

慶元錢

嘉泰錢

開禧錢

嘉定錢

大宋錢

紹定錢

端平錢

嘉熙錢

淳祐錢

皇宋元寶錢

開慶錢

景定錢

咸淳錢

德祐錢

景炎錢

卷第六

天贊錢

應歷錢

乾亨錢

統和錢

太平錢

重熙錢

清寧錢

咸雍錢

太康錢

大安錢

壽隆錢

乾統錢

天慶錢

阜昌錢

正隆錢

大定錢

泰和錢

貞祐錢

至大錢

大元錢

皇慶錢

至治錢

至和錢

至政錢

天中錢

洪武錢

永樂錢

宣德錢

天順錢

宏治錢

正德錢

嘉靖錢

隆慶錢

大明錢


萬曆錢

泰昌錢

天啓錢

泉幣圖說卷之一

太昊幣



古官州

涇縣

吳

文炳

柳門

鸞



鳳白

纂輯

通典自太昊以來則有泉矣太昊氏高陽氏謂之金有熊氏高辛氏謂之貨陶唐氏謂之泉商周謂之布齊莒謂之刀舊譜三五吉幣形如干盾愚案昔太昊始制棘幣神農列屮于國以聚貨帛黃帝范金為貨制金為刀立五幣之法設九棘之利今觀

此品形質最古世所罕觀

葛天幣



路史葛天氏興貨幣注葛天氏之幣字雖質而與今隸無異從
土從日乃古之合字即為聲也愚案此幣右字不可識左文
當作葛與從土從日小異古人篆法皆以會意諧聲為之原不
得以後人字畫拘也其形製長寸六分有奇廣寸一分閒廣二
分背面作三豎文無好銅色純青余於河閒李氏處見之把玩
連日字文古雅可愛與路史所載正相符合故定為葛天氏幣
葛字錢



此錢古人譜皆不載形與鑠子錢相似面文右邊有培字當是
葛天氏錢或謂神農者非是

神農幣





朱氏錢譜據路史定為神農幣於朱仙鎮傅氏見之愚案此幣

肉好皆圓徑寸四分面文有夷全中卣串五字俗謂之鑱子錢
 黃帝布貨




路史黃帝氏制金刀立五幣設九棘之利致五法而布之天下
 愚案此布面文作串呂二丩全幕文串與路史所載皆同惟路
 史串字與此布兩字小異上古字多倒書此第一字似以山字
 倒書于中之上黃帝貨有二種大小輕重字畫相同但六字皆
 倒書其串作串以此驗之串字既可作串何獨不可作兩歟




張台泉錄此布長二寸一分肩廣寸三分首廣九分足枝長六
 分閒廣四分半重二十八銖面文四字有如二字者金邊安爪
 山下安中者兩口相重者愚案此布較前品幕文多參命字而
 形製字體相似亦當為黃帝布貨

董氏譜膳部李涿家有一種長二寸一分字俱倒書無背文乃黃帝貨愚案此布與前品無異但文爲倒書耳

軒轅布貨




舊譜長寸七分重十二銖文作「王」全乃軒轅貨一金也愚



案此布面文字體正合舊譜但字皆倒書無背文耳物原謂軒轅造錢而無文豈可盡信

昌意布




路史顓頊之祖曰昌意黃帝之震適也行劣不似遜居于若水愚案此文右文爲雙口左文爲雙日當是昌字昌意嘗爲帝此幣面文有昌字或爲昌意始封時所作歟

吉字刀




路史因提紀吉夷氏後有吉氏愚案右刀一品古譜未見載錄
今見面文爲吉字當爲吉夷安陽之刀

安陽吉貨




洪遵泉志此布自柄端倒讀其文曰安陽之吉貨

少昊幣



路史論幣注異布中有半者少昊貨也長廣皆同有好愚案此
布面文篆文作廷幕面自柄端作二豎文斜下有好



張台泉錄長寸六分肩廣八分首廣五分足閒廣二分重六銖
背面一字面文如日下安父字又兩畫長短不齊背文如了傍
加豎斜畫于寶鼎尉王鑄處見之路史小昊青陽氏作布貨以
制國用注面文八受帝昊字也愚案此品李氏洪氏俱目爲異
布未詳何代之物今據路史注當爲少昊氏布

高辛古刀

右刀面文爲篆辛字殆高辛氏所作


堯幣



魯褒錢神論昔黃帝堯舜教民農桑以幣帛爲本後魏志堯遺

大水以歷山之金鑄錢救民路史疏佗紀陶唐氏守歲之盈虛
乘民之緩急正其甲令御其大權燒山林楚沛澤以通刀布注
堯布作上十全之又少于大止又一品小者文作弓采愚案右
布一品形長寸七分肩廣九分下廣一寸首長四分廣六分足
枝長四分半闊廣三分半重二錢八分面文作弓采背作二豎
文

陶唐古刀



右刀三品古譜未見載錄今據路史堯布作上十全此面文皆作上殆陶唐氏所鑄

舜當金貨



路史舜當金愚案右一品與五二金相似但此面文有金字無五十字幕面無文當即當金貨也




策馬幣



季孝美錢譜案此布長二寸上廣寸二分下廣寸三分首長七分廣七分足閒廣五分正圓背面肉好皆有周部面文六字不可識路史有虞氏得策乘馬之數乃割高陞俾太衍軫羣害以作策馬貨當金貨一金二金四金二五金策乘馬幣注其文當為尚策為乘馬為正五二金者重貨也金一者輕金也當金者當重金也愚案此布前四字策馬當金與董譜同所云策為乘者當即策字玩下馬為正可見或上古之書以策為乘董氏當確有所見且路史本云策馬幣是策字可該乘字也洪氏泉志

列不知年代品殆以疑傳疑歟

夏幣



管子禹五年水民之無糧賣子者禹以歷山之金鑄幣贖之愚案夏禹鑄金幣當是布式洪氏圖圓錢式非是


商幣



管子湯七年旱民之無糧賣子者湯以莊山之金鑄幣贖之鄭

氏南北史雋湯遭大旱以莊山之金鑄錢贖人賣之者史記殷本紀帝辛厚賦稅以實鹿臺之錢事始湯七年旱禹五年水湯以莊山禹以歷山之金並鑄幣以救人困

九府圖法



古志太公為周立九府圖法黃金方寸重一斤錢圖孔方輕重以銖布帛廣二尺二寸為幅長四丈為匹故貨寶於金利于刀流於泉布于布束于帛太公退又行之于齊注師古曰太府玉府內府外府泉府天府職內職金職幣謂之九府皆掌財幣之官圖法謂均而通也後魏書熙平初任城王澄上言太公立九


府之法於是國貨始行定銖兩之楷齊威循用以霸諸侯及秦始漢文遂有輕重之異荀悅漢紀周制錢有文外圓內方季奇曰圓一寸重九兩顧烜曰重十二銖季孝美曰案二家之說若謂重九兩則景王時不患輕也若謂止十二銖則更鑄者又何加焉唐會要崔沔議曰太公之創九府將以貧賤人買生之陳七福規于更漢令事始至周太公立九府圓法始名以錢名義考夾溲鄭氏云一變而為刀器再變而為圓法更記吾讀管氏輕重九府

沂州銀刀



嘉祐雜志王公和學士罷沂州得銀刀一有齊太公杏九字九字中闕不相屬刀上又有隱起圓形疑是九府圓法愚案面文吉貨字蓋誤讀杏九也

卽墨古刀




愚案此刀面文為卽墨之吉貨背文二字上開下字已不可識卽墨為齊地名此蓋太公遺制也

漢食貨志太公爲九府圜法退又行之于齊至管仲相桓公通
 輕重之權遂顯伯名淮南子桓公將欲征伐甲兵不足乃令輕
 罪者贖以金刀百姓皆悅愚案秦漢以前錢與刀布並行當時
 諸侯得自鑄故各國錢式不同如此此二品刀面文皆爲齊杏
 九而背文○中小異蓋卽通考所謂齊莒刀也

寶貨錢



國語景王二十一年將鑄大錢單穆公曰不可王弗聽卒鑄之
 賈逵曰大錢者大於舊其價重也漢書周景王患錢輕更鑄大
 錢文曰寶貨肉好皆有周郭注錢體爲肉孔爲好物原軒轅造



錢而無文周景王改鑄始為有文事始錢文以寶自景王始也
 韋昭曰或云文曰寶貨皆非事實洪遵泉志余案顧烜錢譜金
 光龔錢寶錄李孝美錢譜以大泉寶貨兩存之董道錢譜始去
 大泉余謂此錢當以班史為正董說得之矣愚案大錢文曰寶
 貨漢志已有明文此泉志所以獨宗董氏也

泉幣圖說卷之一

終

泉幣圖說卷之二

秦布

古宜州



涇縣

吳

文炳

柳門

鳳白
纂輯



陽平 陽平 陽平 陽平

兩 兩 兩 兩

陽平 陽平 陽平 陽平


兩 兩 兩 兩


路史論幣條長平布中有作允陽命陽平陽命陽者有肉郭皆高陽金也金待問錄凡有陽字者悉屬高陽金研北雜志先秦貨布篆文奇古多鑄地名余在京師得數十品曰屯留曰安邑全貨曰平陽曰高陽曰安陽者甚多其文有不可盡識者以漢書地理志考之屯留在上黨高陽在涿郡安陽在汝南安邑平陽並在河東愚案安陽在汝南平陽在河東俱屬秦舊地此布面文一爲安陽一爲平陽字文含小篆當爲秦布無疑羅氏朱氏互相附會爲高陽氏金本無依據徒滋後人之惑耳即今所見安陽平陽布最多面文篆法閒有小異而形製長短大約相似有重二十一銖者重二十五銖者及三十銖以下者背文作三豎文有無三豎文者有有好事者亦有無好事者

安陽小布

舊譜幼奇所得長寸一分下廣九分者長五寸廣五分向上漸濶無好足枝長四分間廣三分面文兩字類科斗書背有三道文不可識愚案此布形製較前品羌小面文字畫相似背亦作三豎文洪氏泉志目爲長平異布未詳何代之物今據所見今即古安字誤即古陽字當是秦安陽小布也

半兩錢





漢書秦兼天下幣為二等黃金以鎰為上幣銅錢質如周錢文曰半兩重如其文傳瓚曰錢之形質如周錢唯文異耳顧烜錢譜秦始皇鑄重十二銖敦素曰嘗得此錢徑寸三分重八銖古今注秦半兩錢徑寸二分重十二銖愚案秦半兩錢今猶及見銅色純青無輪郭篆文半右兩左徑寸二分重十二銖敦素謂

重八銖盍思秦時用權一兩容千二百黍重十二銖兩之謂兩

之謂耶

曰半漢興錢



漢食貨志漢興患秦錢重難用更令民鑄莢錢注如淳曰如榆莢史記漢興更鑄錢至孝文時莢錢益多輕高后紀高后二年七月行八銖錢六年六月行五分錢應劭曰所謂莢錢者伏無忌曰漢鑄莢錢重三銖通典文曰漢興顧烜錢譜今世猶有小錢重一銖半徑五分文曰漢興小篆文洪遵泉志案班馬二史皆云莢錢不載錢文顧烜之說益近之矣金光襲董道皆因之

李孝美以為楷書文曰漢興英錢自科斗之法熄而篆隸行至東漢末始變為楷何其說之妄耶愚案漢興當為小篆泉志之說極是高后紀云五分應劭即以爲五銖伏氏謂重三銖顧氏云一銖半何銖數之大相懸絕歟

八銖錢



高后紀高后二年七月行八銖錢應劭曰本秦錢質如周錢文曰半兩重如其文即八銖也漢以其太重更鑄英錢今民間名榆莢錢是也患其太輕至此復行八銖錢顧烜錢譜高后時既患英錢之輕又苦秦錢之重故更鑄八銖舊譜曰重八銖文曰

半兩

四銖錢



文帝紀文帝五年夏四月除盜鑄錢令更造四銖錢應劭曰文帝以五分錢太輕小更作四銖錢文亦曰半兩今民間半兩錢最輕小者是也食貨志孝文五年更鑄四銖錢其文為半兩

鄧通錢



鄧通傳文帝賜通蜀嚴道銅山得自鑄錢鄧氏錢布天下景帝

立人有告通盜出徼外鑄錢西京雜記文帝時鄧通得賜蜀銅山聽自鑄錢文字肉好皆與天子錢同故富樛人主

吳王濞錢





吳王濞傳吳有豫章罷銅山即招天下亡命盜鑄錢西京雜記文字肉好與漢錢不異泉志余案漢文帝時更鑄錢其文爲半兩吳鄧錢與漢錢同則錢之半兩也食貨志是時吳即山鑄錢富埒天子鄧通鑄錢財過王者故吳鄧錢布天下

三銖錢



武帝紀建元元年春二月行三銖錢顏師古曰新壞四銖造此錢食貨志自孝文更鑄四銖錢至是歲四十餘年從建元以來用少縣官往往多即銅山而鑄錢民亦盜鑄不可勝數錢益多而輕物益少而貴令縣官銷半兩錢更鑄三銖錢重如其文封演錢譜三銖錢又有別種穿下有三星文恐以此爲三銖之別銖重三銖文曰半兩董道錢譜漢武帝建元元年鑄重三銖如錢文曰三銖洪遵泉志史氏以爲銷半兩更鑄三銖錢重如其文則三銖之文說明矣李孝美又畫半兩錢于其下蓋蔽封氏之說也愚案此錢文爲三銖泉志確據史書以斥舊譜之非與董氏之說正相符合今見三銖其文而重祇二銖四案銅色昏暗殆當時盜摩取銖故薄惡如是歟

白金三品



漢食貨志武帝又造銀錫白金以爲天用莫如龍地用莫如馬
 人用莫如龜故白金三品其一曰重八兩圓之其文龍名曰摺
 直三千二曰以重差小方之其文馬直五百三曰復小摺之其
 文龜直三百師古曰摺圓而長也暗施史記索隱白金三品其

一龍文隱起肉好皆圓又作雲霞之象其二肉好皆方隱起馬
 形在好之下又有連珠文者其三肉圓好方皆爲隱起龜甲文
 列傳張湯遷御史大夫會渾邪等降山東流徙皆印給縣官湯
 承上指請造白金及五銖錢籠天下鹽鐵

半兩錢



武帝紀五年春罷三銖錢行半兩注又新鑄作也季孝美錢譜
 張台說半兩之品甚眾有傳形者有肉郭者有對文者有隱起
 字者

五銖錢



武帝紀元狩五年春三月行五銖錢罷半兩錢食貨志有司言
三銖錢輕輕錢易詐迺更請罷國鑄五銖錢周郭其質令不可
得取銖許慎說文銖銅屑也摩取銖面以取其屑更以鑄錢也
西京圖叙民摩錢取屑是也列傳汲黯免官于田園會更立五
銖錢民多盜鑄楚地尤甚召拜淮陽太守義縱為定襄守會更
五銖錢白金起民為姦以縱為右內史舊譜此錢厚大者徑一
寸重五銖張台泉錄此錢品數最多有傳形者各蜀錢肉好有
郭者各梁錢背文四出者各角錢及有赤側當兩女錢之類文

皆五銖又于此外有穿上一星至五星穿下一星穿上下各一
星鏤面穿傍一星至三星五字之內上下各一星背上或有小
字或有王字穿上橫文穿下橫文穿面四角决文穿背四角决
文有郭無郭濶緣細緣不可窮盡李孝美錢譜今世所見五銖
如張台之說一一甚多但赤仄四出文蜀梁當兩女錢并穿下
各一星者自有品自不當更引于此愚案錢文五銖始于漢武
輕重最為得中故後代多取法之張氏統論多種列于此正此
意爾

鍾官赤仄錢



食貨志天子既下緡錢而尊卜式百姓終莫分財佐縣官於是
告緡錢縱矣羣國鑄錢民多姦鑄錢多輕而公卿請令京師鑄
官赤仄一當五賦官用非赤仄不得行白金稍賤民弗寶用縣
官以令禁之無益歲餘終廢不行元鼎四年赤仄錢賤民巧法
用之不便又廢于是悉禁郡國專令上林三官鑄錢既多而令
天下非三官錢不得行諸郡國所鑄錢皆廢銷之輸入其銅三
官而民之鑄錢益少計其費不能相當惟真工大姦益爲之自
元狩五年三官初鑄五銖錢至平帝元始中成錢二百八十億
萬餘注應劭曰所謂子組錢也子或作紫如淳曰以赤銅爲其
郭今錢郭見有赤者不知作法云何天事記元鼎二年行赤側
罷白金平準晝鑄鍾官赤側志初鑄錢屬少府鹽鐵論幣數易
而民益疑於是廢天下諸錢而專命水衡三官作百官表水衡


屬官有上林均輸鍾官辨銅令丞玉海元鼎二年初置水衡都
尉掌上林苑然則三官其是此三令乎功臣表蒯成侯周仲居
元鼎三年坐爲太常收赤側錢不收全爲城旦曲成侯蟲皇柔
元鼎三年爲汝南太守不用赤側錢爲賦爲鬼薪

大泉五十



漢食貨志王莽居攝變漢制更造大泉徑寸二分重十二銖文曰大泉五十荀悅漢紀居攝二年夏四月更造大泉一直五十與五銖並行敦素曰案今所見模狀不同字體各異小者不及二銖又有面文重外高內下精妙可觀殊不知莽之所鑄復是後人做倣何不相同也如此舊譜文曰大泉五十背爲北斗之狀董道錢譜有折二錢又有小鑄亦不多見今見鏤有斗劍龜蛇之文者未之考也張台錢錄此錢亦有數種有對文者有穿上一星者有身字諸畫並方者洪遵泉志徑寸一分重三銖六桑面背文四出字盡漫昧大泉五十本王莽所鑄初無四出之就又有背文爲北斗星者愚案此錢今尚多見如四出洪氏列在不知年代品北斗文列于奇品今並引于此

契刀



漢書契刀其環如大泉身形如刀長二寸文曰契刀五百荀悅漢紀居攝二年夏四月更造契刀一直五百與五銖並行張晏曰其文左曰契右曰刀無五百字也顧烜錢譜契刀五百非勒刀爲此四字刀上但有契刀二字而直五百張台泉錄言有此錢但薄于錯刀柄上文曰五百張顧二說並未見有柄者其文鋪成若錯刀之陷金也李孝美錢譜嘗得此錢其形製正如張

台所說但其文鑄成非陷金也愚案嘗得此刀銅純青字文已剝蝕不可辨柄間五字猶隱起形製似洪遵泉志所圖稍短又在任邱程氏家見契刀長二寸但契字作繫五百字橫俱連外郭其形製與刀相似


錯刀



漢書錯刀以黃金錯其文曰一刀直五千凡四品並行莽即真

以劉字有金刀乃罷錯刀契刀及五銖更作金銀龜貝錢布之品荀悅漢紀居攝二年夏四月更造錯刀一直五千繼古叢編金錯刀名一而義二錢一也刀一也張晏曰刻之作字以黃金填其文上曰一下曰刀張台泉錄台有此錢如此圖樣李氏錢譜今世猶多或有無刀者玉海祥符三年十一月甲午陳堯叟等言淮上得金錯契刀永安五男錢愚案此錢洪遵泉志列于偽品即張衡詩美人贈我金錯刀是也今嘗見二品與洪圖頗似銅色純青而字畫亦甚精緻

蒙城古刀



洪遵泉志宣和五年郭僕為亳州蒙城令村人得之田中柄端

有方寸十三字彷彿隸書背有方孔不透身形如刀文曰貨布
 五百疑王莽所鑄愚案刀文曰貨布五百一刀直貨布五百也
 當是新莽所鑄



貨布



食貨志天鳳元年罷大小錢改作貨布長二寸五分廣一寸首
 長八分有奇廣八分其圓好徑二分半足枝長八分間廣二分
 右曰貨左曰布重二十五銖直貨泉二十五張台泉錄此布如
 今最多而易得以今尺量之得寸九分愚案貨布之長二寸五
 分今鈔尺之一寸六分有奇廣一寸今之六分有半八分者今


之五分而二十五銖者今秤得百分兩之四十二即俗所謂四
 錢二分也曩見洪遵所圖貨布為順帝今見此布為順帝字畫
 不類且其形製與漢尺亦不相符

大黃布刀





舊譜重七銖長二寸三分文曰大黃布刀張台泉錄此亦王莽所鑄文曰大黃布刀莽自言黃虞之後又改平帝定安太后爲黃室主卽大黃莽之自稱也意者豈非莽之初謂刀布一物後分爲耶李孝美錢譜案製作切類貨布但足外差廣銅色稍赤耳食貨志與莽傳皆所不載洪遵泉志余案此布今世所存尚多愚案曩遊金陵市得一品形製字畫適合泉志又在亳州土人掘地得此數十品篆文迥異亦有大小輕重之別

十貨大布



舊譜長四寸一分上廣寸二分下廣寸五分首長六分廣寸好徑五分足枝長寸二分間廣四分重十二銖狀如貨布面文四字背文兩字不可識李孝美錢譜案所見古布多矣唯此一品極大而形製特與大黃布刀相似舊譜以謂狀如貨泉有所未盡愚案此布西清古鑑定爲異布乃古泉中之最大者但前人諸譜究未詳何代之物今嘗見此品銅色純白面文作莽中尙川四字背文作十僕字殆以此當貨布之十且其狀如貨布蓋爲王莽所製貨布十品中之大布也

貨泉



食貨志王莽天鳳元年罷大小泉改作貨泉徑一寸重五銖文
 右曰貨左曰泉枚直一又以大泉行久恐民挾不止廼令且行
 大泉與新貨泉俱枚直一並行盡六年毋得挾大泉矣張台泉
 錄此錢今世所見有徑寸四分重二十四銖者有徑六分重二
 銖者有玉筋篆者有傳形者有肉郭重文者穿向四角决文穿
 背四角决文穿上一星穿下一星濶緣細緣不少于五銖董道
 曰貨泉王莽所鑄徑一寸重五銖今又有內郭者有重郭者其
 後光武起春陵白水鄉文成白水真人是驗其識也李孝美錢
 譜此錢今世多見之有徑寸五分至四分者凡十餘品而好郭

或有或無或作重文種種不一愚案此錢今最多見洪遵泉志
僅圖其一失之太畧

小錢



食貨志小錢徑六分重一銖文曰小錢直一荀悅漢紀王莽建
國元年春更作小錢徑六分文曰小泉與大泉一直五十者為
二品並行李孝美錢譜案莽大小錢文無錢字而皆曰泉與食
貨志所載不同常昭所謂古曰泉而後轉之為錢者豈非是耶
愚案小泉泉字洪遵泉志作泉予所見者泉字作泉茲並圖于
右

么錢



食貨志小錢徑七分重三銖文曰么錢一十對演錢譜么錢別
種文曰直十顏師古曰么小也

幼錢



食貨志次八分五銖曰幼錢二十

中錢



食貨志次九分七銖曰中錢三十

壯錢



食貨志次九分七銖曰中錢三十



食貨志次一寸九銖曰壯錢四十張台錢錄嘗見壯錢薄子開元錢愚案今所見壯錢錢字為泉四字為四洪遵所圖特其別種耶

小布



食貨志小布長寸五分重十五銖文曰小布直二百

么布



食貨志么布長寸六分重十六銖文曰么布直二百

幼布



食貨志幼布長寸七分重十七銖文曰幼布直三百

厚布



食貨志厚布長寸八分重十八銖文曰厚布直四百

莞布




食貨志莞布長寸九分重十九銖文曰莞布直五百

中布



食貨志中布長二寸重二十銖文曰中布直六百

壯布



食貨志壯布長二寸一分重二十一銖文曰壯布直七百

第布



食貨志第布長二寸二分重二十二銖文曰第布直八百

次布



食貨志次布長二寸三分重二十三銖文曰次布直九百


大布



食貨志大布長二寸四分重一兩文曰大布直千錢愚案莽性燥擾不能無為一有興作必欲依古自居攝時以逮初始天鳳地皇中凡十餘年所造泉貨刀布之屬幾盈數十品而又詔以餘貨五均之語遂于長安五都立五均官更名長安東西市令

及雒陽邯鄲臨淄宛城都市長皆為五均司市稱師東市稱京西京稱畿雒陽稱中餘四都各用東西南北為稱皆置交易丞五人錢府丞一人當時農商失業食貨俱廢陷大刑投四裔自卿大夫下至庶人愁苦死者十幾六七至光武中興盪滌煩苛復行五銖遂為天下更始

鐵錢



公孫述傳述廢銅錢置鐵官以鑄錢舊譜文字輕重大小未聞華陽國志公孫述廢銅錢置鐵錢百姓貨賣不行愚案古未聞有鐵錢公孫在蜀置鐵官鑄錢民皆悲怨故有黃牛白腹五銖

當復之詭

五銖



光武紀建武十六年復五銖錢東觀漢記馬援上書曰富國之本在于食貨宜如舊鑄五銖錢帝從之于是復鑄五銖錢董道錢譜王莽廢光武復興

四出文錢



靈帝紀中平三年鑄四出文錢獻帝春秋靈帝作角錢錢猶五銖錢而有四道連於邊輪識者以為妖徵竊言錢有四道京師將破壞此錢四出散于四方乎遂如其言舊譜徑寸一分重四銖文曰五銖背文四出俗謂之角錢洪遵泉志余案此錢今世尚有字畫明澈背文四出徑寸重三銖一參愚案此錢漢紀稱為四出文錢獻帝春秋稱為角錢俗又稱為四道五銖今見錢有銅鐵二等銅錢薄而廣一寸鐵錢厚而徑五分半面文五銖背內郭皆有路抵于外輪二品篆文彷彿相似前世諸家第言銅錢四出而未及鐵錢失之略也嘗見洪遵泉志所圖四出錢緣厚孔小以銖字為銖不知此錢篆本為銖輪淺而孔大

泉幣圖說卷之二

終

泉幣圖說卷之三

直百錢



古室州

涇縣

吳

文炳

柳門

鸞

鳳白

纂輯

蜀志先主備初拔成都軍不足用劉巴曰但鑄直百錢平諸價
物備從之以一當百又張裔為司金中即將典作農戰之器南
齊崔祖思曰劉備取帳鉤銅鑄錢以充國用顧烜錢譜漢獻帝
建安十九年劉備鑄舊譜徑七分重四銖忌按此錢蜀漢所鑄
錢文直上百下篆法甚精

直百五銖錢



顧烜錢譜徑寸一分重八銖文曰五銖直百劉巴說劉備鑄直百錢傳形五銖此又近之未知孰是張台泉錄今自巴蜀至于襄漢此錢甚多皆是昭烈舊地斷在不疑洪遵泉志余按此錢封氏列不知年代品然考諸家之說則劉備所鑄審矣錢凡四種有徑九分重三銖者字文明坦肉好背面皆有周郭世多有之有徑七分重三銖八參者形製窳薄有一種面文相類背肉粗惡穿左有一為字又有鐵錢重五銖四參者輪郭厚重字文湮晦愚按此錢所見甚多泉志已載者更不待言又見一種面

文直百字作隸體五銖字作篆體背有外緣而無內郭徑七分有奇重三銖二黍銅色微赤者董氏云謂直百五銖南朝梁武帝鑄一當百彼蓋依晉志梁武帝時百姓或私以古錢交易有直百五銖之謂蓋思梁天監中所鑄五銖錢種類甚多初未以直百為文錢文直百五銖者蜀昭烈帝所鑄也

傳形五銖錢



顧烜錢譜劉備鑄直百錢傳形五銖今所謂蜀錢即傳形五銖也時有勒為直百者亦有勒為五銖者大小稱兩如一並徑七分重四銖三吳諸屬縣行之其文為五銖者京師亦頗用焉封

演錢譜傳形五銖劉備所鑄文字輕重大小與五銖無別但以
五字在左銖字在右謂之傳形董道錢譜考古蜀嘗鑄矣但不
言傳形耳

大泉五百



吳志孫權嘉禾五年春鑄大泉一當五百封演錢譜徑寸二分
重十二銖文曰大泉五百洪遵泉志余按此徑寸一分重四銖
六參今世有之羣書考索大泉五百徑一寸三分重十二銖愚
案此錢較莽鑄大泉稍大銅色純青有好肉

大泉當千



吳志孫權赤烏元年春鑄當千大錢江表傳孫權赤烏九年詔
曰謝宏往日陳鑄大錢云以廣貨故聽之今聞民意不便其省
息之鑄爲器物勿復出也晉食貨志孫權鑄當千錢故呂蒙定
荊州賜錢一億錢既太貴但有空名晉自中原喪亂元帝過江
用赤烏舊錢輕重雜行大者比輪小者四文封演泉譜徑寸四
分重十六銖文曰大泉當千洪遵泉志余按此錢有二品大者
徑寸五分重十二銖六參字文夷漫輪郭重厚頗艱得之小者
徑寸三分重七銖二參世多有之舊譜所圖蓋其小者以爲重

十六銖非也

五銖錢



魏志文帝黃初二年三月初復五銖十月以穀貴罷五銖使民以穀帛相貿明帝太和元年司馬芝議用錢豐國省刑四月乙亥復行五銖錢至晉用之韓暨為監冶謁者舊時冶作馬排每一孰石用馬百匹更人排又費功力暨乃因長流為水排利益三倍加司金都尉班亞九卿愚按魏文帝所鑄五銖錢與別五銖無異但面文銖字作銖爾

沈郎錢



晉書食貨志吳興沈充又鑄小錢謂之沈郎錢封演錢譜或言小于五銖文字輕重未聞董道錢譜引晉志吳興沈充又鑄小五銖錢謂之沈郎錢是也羣書索考吳之沈郎錢此皆失之太輕者也李孝美錢譜案此錢雖未之見而李賀集有殘絲曲云榆莢相催不知數沈郎青錢夾城路竊謂自古詩人比興其則不遠得非此錢大小與漢興所鑄如榆莢者不多較耶潛確類書晉之四分沈郎愚案沈郎小錢諸家俱未言其源洪氏泉志第圖肉好亦未及其文今見古泉中有形如榆莢文曰小泉當是沈充所鑄

五銖錢



晉書張軌傳前涼張軌參軍索輔言于軌曰二漢制五銖錢通
易不滯晉太始中河西荒廢遂不用錢今宜復五銖以濟通變
之會軌納之錢遂行人賴其利

四銖錢



文帝紀元嘉七年冬十月戊午立錢署鑄四銖錢宋食貨志文
帝元嘉七年鑄四銖重如其文顏竣傳輪郭形製與五銖同用

費損無利故百姓不盜鑄張台泉錄據所見背面周郭徑七分
重二銖已下文甚分明封演錢譜文曰四銖重如其文洪遵泉
志余案此錢徑七分重二銖四銖肉薄好濶背面皆有周郭字
文甚明

當兩大錢



文帝紀元嘉二十四年六月以貨貴制大錢一當兩裴子野宋
略文帝初行大錢一當細錢兩既而錢形不一民弗之便明年
五月己卯罷當兩大錢封演錢譜重八銖文曰五銖宋食貨志
以一當兩行之經時公私非便明年五月己卯言事者欲禁私

銅以充官鑄五銖愚案文帝二十四年行當兩錢二十七年罷去當兩始鑄五銖是當兩當是四銖非五銖明矣如舊譜所云不可盡信

孝建錢



宋世祖紀孝建元年春正月壬戌更鑄四銖錢宋食貨志孝武孝建更鑄四銖文曰孝建徐爰議收銅繕鑄詔可之以銅贖刑又以爲銅轉難得欲鑄二銖錢顏竣傳世祖卽位鑄孝建四銖顧烜錢譜孝建元年鑄四銖錢一邊爲孝建一邊爲四銖通典宋孝武帝孝建初鑄四銖文曰孝建一邊爲四銖其後稍去四

銖專爲孝建董道錢譜四銖南朝宋文帝鑄又宋世祖鑄比重四銖名義考錢文載年號自宋武帝始學齋佔畢余案杜佑通典歷叙古今錢幣之制載宋武帝孝建初鑄四銖錢文曰孝建一邊文曰四銖則是錢載年號實始于宋武孝建也封演錢譜徑八分半重四銖文曰孝建背文曰四銖孝建則薤葉四銖則大篆其後稍去四銖專爲孝建漸至薄小文字夷漫至明帝泰始三年罷焉洪遵泉志余案此錢徑七分重二銖今世尙有之二銖錢



宋廢帝紀大明七年冬諸郡大旱米一升數百孝建已來又立

錢署鑄錢百姓因此盜鑄輕僞小商貨不行永光元年春二月
庚寅鑄二銖錢三月甲辰罷封演錢譜此錢文曰二銖重如其
文愚案二銖錢爲重輪

景和錢



顧烜錢譜宋中廢帝景和元年鑄重二銖文曰景和金光襲錢
寶錄其文小篆冊府元龜景和元年鑄二銖錢形式轉細官錢
每出民間卽模倣之而大小厚薄皆不及也無輪郭不磨鑿如
今之剪鑿者謂之耒子愚案宋紀永光元年鑄二銖錢三月罷
蓋言鑄二銖錢也至九月戊午開百姓鑄錢言鑄景和錢也洪

氏泉志引宋書官錢每出民間模倣之語于前二銖錢作證已
是渾舉王伯厚云景和二年鑄二銖錢文曰景和今據紀元表
乙巳廢帝永光元年八月改爲景和元年十一月明帝立改爲
泰始元年則景和錢當爲景和元年所鑄信矣

鷺眼錢



通典永光元年沈慶之啟通私鑄由是錢貨亂改一千錢長不
盈三寸大小稱之謂之鷺眼錢劣于此者謂之縋環錢入水不
沉隨手破碎市井不復斷數十萬錢不盈一掬斗米一萬商貨
不行顧烜錢譜宋中廢帝景和元年鑄洪遵泉志梁末有是二
錢初不謂鑄于梁如鷺眼錢乃宋景和中所鑄李孝美俱以爲

梁非也愚案錢徑二分半文曰小泉直一以形小如鷺眼故名之爾


五銖



隋食貨志梁初唯京師及三吳荆郢江湘梁益州用錢其餘州郡則襍以穀帛交易交廣之域全以金銀為貨武帝乃鑄錢肉好周郭文曰五銖重如其文顧烜錢譜天監元年鑄徑一寸文曰五銖重四銖三參二黍每百枚重一斤三兩張白泉錄五銖錢皆無好郭唯此一種有之季孝美錢譜此錢亦多見之復有六種徑八分重三銖形製惟肖而面漫薄惡疑當時所盜鑄者

愚案梁新鑄五銖有好廣二分外輪厚重形製甚精與別五銖

公式女錢



隋食貨志梁武帝別鑄五銖除其肉郭與五銖二品並行百姓或私以古錢交易天子頻下詔書非新鑄一種之錢並不許用册府元龜武帝又別鑄除其肉郭謂之公式女錢徑一寸文曰五銖重如新鑄五銖二品並行顧烜錢譜天監元年鑄公式女錢徑一寸文曰五銖秤兩如新鑄五銖但邊無輪郭未行用又聽民間私鑄以一萬二千易取上庫古錢一萬以此為率普通

三年始興新鑄五銖並行用斷民間私鑄張台泉錄背有好郭者謂之公式女錢背無好郭者正謂之女錢蓋聽民私鑄有不精也洪遵泉志此錢謂之五銖女錢梁武新鑄亦曰女錢蓋梁之前已有女錢矣愚案此錢之源雖不始于梁至梁天監中而始有新鑄舊錢之說舊譜圖于兩處其實亦無所區別茲特載列于此


稚錢



隋書食貨志梁初古錢有五銖稚錢顧烜錢譜徑八分半重四銖文曰五銖源流出于五銖但稍狹小今東境謂之稚錢三吳

皆用之小者至徑六分重二銖半世射雉戲用此錢也通典徑一分半重四銖文曰五銖

對文錢



隋書食貨志梁初古錢有五銖對文等號顧烜錢譜對文錢剪五銖之所成也民利古錢多銅剪鑿取其輪郭所餘甚輕小今世行之其源未聞也杜祐通典今有對文錢其源未聞

五朱錢



杜祐通典五銖錢徑七分半重三銖半文曰五朱源出稚錢但

稍遷異以銖爲朱耳三吳行之差少于餘錢張白泉錄今所見朱字錢自有兩般字狹者有內郭字濶者狀如半兩自徑七分至五分無三銖半者其輕有至五黍者近華山有人掘得數斗錢皆徑四分好亦二分已上周迴皆無錯鑿處其文只有半王字仍未成就此則五朱之漸也洪遵泉志余案此錢徑七分重二銖一參制作簡古銅質純青背文坦平外輪有緣今世尙有之愚案張氏洪氏各據所見而言予嘗得此錢于淮上銅色微赤形製與洪氏所圖頗合又見有傳形者朱字在右五字在左當是別種

定平百錢



隋食貨志梁武帝時百姓或私以古錢交易有定平一百顧煊錢譜徑六分重一銖半文曰定平一百三吳屬縣行之杜祐通典定平一百五銖徑六分重一銖半文曰定平一百洪遵泉志余案此錢今世尙有之愚案錢文無定字一右平下百左

豐貨錢



杜祐通典豐貨錢徑一寸重四銖代謂之富錢藏之令人富也封演錢譜豐貨世人謂之富錢言收此錢令人豐富册府元龜豐貨徑一寸重四銖半謂之男錢云婦人佩之卽生男愚案豐

貨錢重四銖未及四銖半又梁時以布泉爲男錢未聞以豐貨爲男錢當以封杜二家之說爲是

布泉




董道錢譜懸針書者自梁武帝來有之季孝美錢譜此錢徑九分重五銖背面肉好皆有周郭舊譜列在不知年代品敦素曰徑寸一分形製精巧字體與貨泉畧同疑王莽時鑄後周亦有布泉字皆玉筋與此相並殊不侔也杜祐通典布泉徑一寸重四銖半代謂之男錢云婦人佩之卽生男愚案布泉也其藏曰

泉其行曰布古文錢作泉者言其形如泉後世代以錢字而泉之文借爲泉水之泉其實泉之篆文从灞不从泉也故魏了翁云詩所謂錢蓋農器也上聲以泉幣爲錢不知自何時始予今得此錢作懸針書知爲梁武帝所鑄若陳周布泉稗史所謂有玉筋篆有柳葉篆有重郭者至敦素以貨泉泉字與此錢泉字相似遂疑新莽所造誤矣

太平百錢





隋書食貨志梁武帝時百姓或私以古錢交易有太平百錢杜
 祐通典太平百錢二種並徑一寸重四銖源流本一但文字古
 今之殊耳文並曰太平百錢顧烜錢譜太平四文錢三種並徑
 一寸重四銖源流本一但文字今古之殊並曰太平百錢其小
 者至徑七八分重一銖文字不異又四文龜背錢今有此錢徑
 一寸重六銖文曰太平百錢背文隱起為龜形又背有水波紋
 者三種並徑一寸重六銖文曰太平百錢大體類前條太平四
 文但製作微為瓌壯而背有波紋耳今世往往有之莫知其始
 舊譜錢有三種大篆小篆隸書皆曰太平百錢但字有古今形
 有大小又有水波文及龜背者董道錢譜太平百錢未詳所鑄
 年代一當百洪遵泉志余案此錢又有一種其字含篆隸體錢
 字漫滅徑九分重三銖七參又面文曰太平百錢篆書錢字湮


晦叵見背文夷漫爲龜背形與顧氏所畫背文相類舊譜謂之龜背文錢畫其背爲龜甲非也又水波紋錢大篆小篆隸書三種愚案太平百錢種類甚多如龜背水波紋及背無文者顧封洪三家已詳言之予今所見別有三種文曰太平百徑一寸重六銖背文輪內周繞雲物上有一星面文字含八分體又有文曰太平百錢字含篆體徑六分有奇重二銖半面背俱無輪郭不磨鏽銅色昏暗殆爲盜鑄又有一種文曰太平百錢百字在左錢字在右字含篆體形如榆莢意梁稱鸞眼卽此錢耶

五銖鐵錢




梁書武帝紀普通四年十二月戊午始鑄鐵錢隔食貨志梁普通中乃議盡罷銅錢更鑄鉄錢人以鉄錢易得並皆私鑄及大同以後所在鑄錢遂如邱山物價騰貴交易者以車載不計數唯論貫耳顧烜錢譜徑一寸一分文曰五銖背爲四出文洪遵泉志輪郭厚重字蹟微漫背文四出徑七分重三銖六參愚案後漢靈帝時已鑄四出鉄錢但漢鉄錢小而梁鉄錢稍大爾

大吉錢



顧烜錢譜普通四年鑄大吉鉄錢大小輕重如銖文曰五銖大吉背文四出

大通錢



顧烜錢譜普通四年鑄大通鐵錢文曰五銖大通背文四出
大富錢



顧烜錢譜普通四年鑄大富鐵錢文曰五銖大富背文四出

四柱錢



梁書敬帝紀太平二年夏四月己卯鑄四柱錢一准二十壬辰
改一准十丙申復閉細錢南史梁敬帝太平二年鑄四柱錢一
當二十又改四柱錢一當十未幾復用細錢愚案四柱錢文曰
五銖穿上下各兩星故名四柱

兩柱錢




隋食貨志梁末又有兩柱錢及鷺眼錢于時人雜用其價同但兩柱重而鷺眼輕私家多鎔鑄又間以錫錢董道錢譜五銖又有五字上下各一星梁宋名兩柱錢

五銖錢



陳書文帝紀天嘉三年閏五月甲子改鑄五銖錢隋食貨志陳文帝天嘉三年改鑄五銖一當鷺眼十

雞目五銖錢



陳書文帝天嘉中改鑄雞目五銖事林廣記陳文帝後魏宣帝西魏文帝又有雞目五銖

布泉



董道錢譜陳文帝天嘉二年鑄錢文曰布泉一當百與五銖並行愚案陳布泉徑寸一分重五銖文曰布泉字作柳葉篆

大貨錢



陳書宣帝紀天建十一年七月辛卯初用大貨六銖隋食貨志
陳宣帝鑄大貨六銖以一當五銖之十與五銖並行後復當一
人皆不從乃相與訛言六銖錢有不利縣官之象未幾宣帝崩
竟至陳亡嶺南諸郡州以鹽米布交易俱不用此錢矣徐氏曰
謠言大貨六銖錢又腰哭天子蓋篆書六字類人之又腰耳洪
遵泉志此錢製作精妙皆有周郭徑寸重如其文愚案此錢有
二等今世嘗見之

太和錢




魏書孝文帝始詔天下用錢治鑄粗脩文曰太和五銖後魏志
孝文帝始用錢太和十九年公鑄粗脩文曰太和五銖徑一寸
重如其文董道錢譜太和五銖後魏獻文帝皇興年中鑄徑一
寸重五銖洪遵泉志余案此錢徑八分重如其文銅質粗惡字
文湮漫計當時令民自鑄故其製不精也愚案太和五銖錢本
徑一寸重如其文洪氏以宋尺稱合較後魏尺稱祇覺其輕小
耳

五銖錢



後魏食貨志宣武永平三年冬又鑄五銖錢孝莊初私鑄者益衆更薄小乃至風飄水浮楊侃奏更鑄五銖高恭之以爲有五銖之名無二銖之實

永安錢



後魏食貨志孝莊永安二年秋詔改鑄文曰永安五銖官自立鑪起自九月至三年正月而止官欲貴錢乃出藏絹分遣使入于二市賣之絹匹止錢二百而私市者猶三百利之所在盜鑄稱衆巧僞既多輕重非一四方州鎮用各不同禪史類編永安五銖後魏敬宗永安年鑄徑九分重五銖李孝美錢譜此錢徑八分周郭完厚所見甚多洪遵泉志東西魏皆鑄永安五銖故存于今甚多其品有三面文獨曰永安五銖者幕文土字者背文四出者隋書北齊神武霸政之初承魏猶用永安五銖愚案永安錢今尙多見每枚徑九分重二銖四參文曰永安五銖背或有土字或有四出文自後魏鑄及北齊初皆用之董道嘗謂北齊永安五銖禪史亦謂北齊神武皇帝鑄永安五銖不知北齊承用永安舊錢非別鑄永安五銖也况齊神武文襄皆相東


魏至文宣始受魏禪此錢自不當更繫于北齊

常平錢



隋書文宣受東魏禪除永安之錢改鑄常平五銖重如其錢甚貴且製造甚精至乾明皇建之間往往私鑄鄴中有赤郭青熟細眉赤生之異河南所用有青薄鉛錫之別北史齊文宣帝紀天保四年春正月己丑鑄新錢文曰常平五銖董道錢譜北齊天保三年改鑄其文曰常平五銖徑八分重五銖皆篆文李孝美錢譜曰此錢舊譜列在偽品愚案曩見洪遵所圖常平五銖錢內好小而外輪厚重常平二字畧長五銖二字稍匾予今所得此錢最多其形製甚精銅色微赤好廣三分外緣甚窄篆文常平二字畧匾五銖二字稍長此豈別種耶又按北齊書天保四年始除永安舊錢創造新鑄蓋即鑄常平五銖也謂天保三年者非是

布泉



後周書武帝紀保定元年秋七月更鑄錢文曰布泉以一當五與五銖並行建德五年春正月廢北史周武帝保定元年更鑄錢文曰布泉以一當五與五銖並行封演錢譜徑寸其文左曰布右曰泉皆玉筋篆非男錢也董道錢譜後周武帝保定元年

亦鑄布錢以一當五愚案此錢作玉筋篆其陳梁布泉異

五行大布錢



後周武帝紀建德三年六月壬子更鑄五行大布錢以一當十與布泉並行四年七月禁五行大布不得出入關布泉聽入而不出張台泉錄此錢小者至徑六分其舊錢之文上五下行左

大右布又有大布字翻在上下者舊譜曰徑寸一分又三雀錢徑寸三分重十銖背回緣上皆作三雀啣花相面文曰五行大布背文有野苒閑花之狀愚案五行大布錢予所見者徑八分五上行下大右布左有輪郭字體與洪氏圖者稍有不同至三雀錢泉志列于奇品茲亦並引于此

永通萬國錢



隋志宣帝大象元年十一月丁巳又鑄永通萬國錢一以當千封演錢譜徑寸三分重十二銖背面肉好皆有周郭又有徑寸二分半重八銖已下者張台泉錄此錢輪郭與布泉相似其小

者主徑七分亦有輪郭潤厚及對文者季之美錢譜此錢今世所見甚多又有徑寸五分重十八銖背面皆有此四字者銅色青白製作尤佳董道泉譜大象元年十一月初鈔文曰永通萬國徑一寸三分重十二銖背面肉好又有徑寸二分半重八銖皆一當十愚案永通錢今尙多見又有背文爲元武斗劍之象者

通泉貨



董道錢譜後周宣帝鑄永通泉貨以一當十洪遵泉志此錢徑寸三分重七銖二參背文重輕肉形渾厚面文篆書曰永通泉

貨背爲龍鳳盤繞之象愚案此錢洪氏列于奇品當即周宣帝所鑄江南李璟所鑄永通錢貨與此殊不相侔益半重其九
白錢



隋書高祖受周禪以天下錢貨輕重不等乃更鑄新錢背面肉好皆有周郭文曰五銖而重如其文至大業後王綱弛素巨姦大猾遂多私鑄錢轉薄惡初每千猶重二斤後漸輕至一斤或剪鐵鑊裁皮糊紙以爲錢相雜用之貨物貴以至於亡唐書食貨志隋行五銖白錢册府元龜五銖每錢一千重四斤二兩三年四月高祖以錢既新乃詔關各付百錢爲樣

從外來者勸樣相似然後得過不同
隋文帝開皇元年九月鑄五銖重如其文
楊州立五鑪鑄錢漢王諒于并州立五鑪又詔
王秀于益州立五鑪是時錢益濫惡封演錢譜
徑一寸重一銖六黍肉郭平潤五字右邊傍好
有一畫餘三面無郭用鑪和鑄故錢也

五銖



唐通鑑譜卷一百一十五
小五銖其製輕小八九萬纔滿半斛唐食
貨志高祖入長安民間行綫環錢凡八九萬纔盈半斛孔氏雜
說隋末錢幣濫薄至裁皮糊紙爲之民間不勝其敝愚案小五

銖諸譜皆不載今見錢徑三分有奇而五銖其文當是隋小五
銖錢也

貞幣圖說卷之三

終

貞幣圖說卷之四

開元錢

古宣州

涇縣

吳

交炳
鸞

柳門
鳳白

纂輯



新唐書高祖入長安民間行綫環錢武德四年鑄開元通寶徑
八分重一銖四釐錢重一兩得輕小之中其文以八

分... 三體洛... 王齊王三體裴寂

一鑪以鑄舊唐書開元錢之文歐陽詢制其字含八分及隸

體其詞先上後下次左後右讀之自上及左列讀之其義亦

通... 開通元寶錢會要開元通寶錢鏤有文如初月者稗

史類編唐志武德四年鑄開通元寶錢積十錢重一兩計一千

重六十四兩菴冕曰今錢為古秤七銖以上比古五銖錢則加

重... 通謂一大兩為七十二銖即一錢為七銖畸十分

銖之二則所謂三兩為一大兩者可無疑矣鄭處會粹云詢初

進蠟樣日文忘皇后指一甲迹故錢上有指熙寧中劉斧撰青

集則謂... 日明皇楊貴妃而天下謂之曰兒錢謬矣彼徒見

錢文有開元字便謂明皇開元事爾亦不考實之過也李孝美

譜此錢元字次畫端或有挑向左者世謂之左挑而俗甚愛

重背文亦有兩甲痕者銅色黑濁不至精好研北雜志唐開元

錢燒之有水銀出可治小兒急驚洪遵泉志余案開元錢唐高

祖始鑄其... 乾封肅宗乾元以至大厯建中咸通各因其

年以各錢然... 之不久惟開元錢唐二百年治鑄相繼故流行

至今甚多詳考此錢郭有大小肉有輕重皆歲久適然凡八分

篆隸... 背有甲文者制作精好今世尤多李孝美獨圖其

一失之暑矣張舜民畫墁錄武德鑄開通錢含篆隸八分體今

獨隸體錢行于世八分與篆體錢皆不復見矣潛確類書俗不

知以開元錢為明皇所鑄六典謂之開通元寶皆非也愚案唐

武德四年七月十七日丁卯廢五銖行開元通... 文皆篆體及

詔歐陽制詞始以八分篆隸三體即所謂左挑雙挑篆文是也

顯... 盜鑄日多... 一善錢售五惡錢入官元宗時盜鑄益

起官鑄錢一當何鑪錢七八唐二百八十九年獨鑄此錢錢故若是之多耳李氏譜圖其一洪氏謂告之畧然以今所見開元篆文錢銅色赤內好小而外郭厚較泉志所圖亦不相侔又見隸書開元錢多有指文有一錢兩指文者八分開元錢亦有無指文者且指文或左或右或上或下亦無定式

乾封錢



初唐書乾封錢字徑寸重二銖六分以一當舊錢之十舊唐書乾封元年封岳之後改造新錢文曰乾封泉寶乾字直上封字在左尋鑄錢文之誤却用舊錢二年詔乾封新鑄之錢令所司

貯納更不須鑄唐會要高宗祀昊天上帝于泰山改元乾封以是年鑄錢故名乾封泉寶得壹錢



唐食貨志史思明據東都鑄得壹元寶錢徑寸四分以一當開元通寶之百舊譜徑寸三分重十三銖洪遵與心此錢重十二銖六參愚案得壹錢徑寸二分史思明僭號鑄字體精好

順天錢



唐書史思明惡得一非長祚之兆改其文曰順天元寶舊譜順天錢徑寸五分重十五銖張台泉錄得壹順天錢思明並銷洛陽佛銅所鑄賊平之後無所用焉刀兵之家還將鑄佛今所餘伊洛間李孝美泉譜二錢大小如一但順天重而得一輕耳愚案郝儀董昌亦號順天未知鑄錢否

乾元錢



唐食貨志肅宗乾元元年第五琦鑄乾元重寶錢徑寸每緡重十斤與開元通寶參用以一當十亦號乾元十當錢肅宗實錄乾元九年秋七月濤舊譜徑寸二分重五銖李孝美譜此錢今世最多而大小不同自寸二分至七分相較一分凡有六品字體形製畧無小異金光龔錢寶錄乾元二年新鑄小錢一當十洪遵泉志余案此錢重三銖三案徑與開元錢同今世所存至多計肅宗所鑄而史氏疏略不載金氏之說未知可憑也愚案乾元錢有銅鐵二等鐵錢徑九分重五銖三參銅錢徑六分半重三銖唐志與諸錢譜皆未言乾元鐵錢失之畧也今將銅鐵二錢並圖于右庶可以補前人之闕亦可以徵言勿之尚存云

重輪錢



唐書第五琦為相復命絳州諸鑪鑄重輪乾元錢徑一寸二分其文亦曰乾元重寶背之外郭重輪每斤重十二斤與開元通寶錢並行以一當五十肅宗以新錢不便上元元年減重輪錢以一當三十開元舊錢與乾元十當錢皆以一當十代宗即位乾元重寶錢以一當三重輪錢以一當五凡三日而大小錢皆以一當一肅宗實錄乾元二年九月戊辰新鑄大錢其文依乾元重寶而重其輪以別之一當五十舊譜徑三寸四分重十二銖季孝美泉譜此錢有兩品小者至薄而文字昏暗徑寸重五銖大者極厚而製作精好徑寸五分重十四銖與唐志舊譜所

載不同愚案重輪乾元錢以背之外郭為重輪俗謂之重稜以輪稜音相似耳俗又謂之重窺蓋規字之誤也唐志謂寸二分董譜謂徑一寸四分重十二銖洪遵泉志謂寸五分重十四銖諸說各有不同者以鈔尺之代為更易秤兩之隨時而改也當依唐食貨志為是

大歷錢



張白錢錄大歷是代宗年號計此時所鑄董洵續錢譜大歷元寶唐代宗鑄洪遵泉志余案此錢徑九分重三銖六參銅色昏濁字畫迺勁史氏不叙著作之因竊攷代宗實錄大歷四年正

可丁酉開內道鑄錢等使第五琦上言請于絳州汾陽銅源兩
監增置五鑪鑄錢許之豈當時鑄此耶



建中錢



唐食貨志建中初戶部侍郎韓洄以商州紅崖冶銅多請復洛
源廢監起十鑪鑄錢十萬二千緡每千錢費九百德宗從之江
淮多鉛錫錢以銅盪外不盈斤兩帛價益貴銷千錢為銅六斤
鑄器則斤得錢六百故銷鑄者多而錢益耗判度支趙贊採蓮
州白銅鑄大錢一當十以權輕重舊譜贊熟計自以為非乃寢
不下張台錢錄此錢未施用今民間往往有之輕小于開元錢

徑十分重二銖以下文曰建中通寶文字漫暗銅色純赤肉好
薄小殊乖白銅大錢之義董道續錢譜建中通寶唐德宗鑄

開元錢幕文





資貨志武宗廢浮屠法永平監官李都彥請以銅像鐘磬鑪鐸
 皆歸巡院淮南節度李紳請天下以州各鑄錢京師為京錢大
 小徑寸如開元通寶宣宗立新錢復鑄為像蘇冕會要會昌六
 年二月敕緣諸道鼓鑄佛像鐘磬等新錢已有次第須令舊錢
 流布起今年十月以後公私行用並取新錢其舊錢權停百官
 志諸鑄錢監監各一人副監各二人丞各一人凡鑄錢有七監

會昌中增至八監每道置鑄錢坊一封演錢譜會昌五年鑄開
 元錢時廢天下佛寺宰相李德裕請以廢寺銅鐘佛像及僧尼
 餅碗等物命所在鑄錢揚州節度使李紳乃以所廢寺各鑄錢
 背加昌字以表年號又有敕令鑄錢所各加本郡州號名為背
 文京兆府以京字穿上洛陽以洛字穿上揚州改以楊字在
 穿上西川以益字穿上藍田縣以藍字在穿右襄州以襄字
 在穿上江陵府以荆字在穿右越州以越字在穿下宣州以宣
 字在穿左江西以洪字在穿上湖南以潭字在穿左兗州以兗
 字在穿上浙西以潤字在穿上鄂州以鄂字在穿上平州以平
 字在穿上興元府以興字在穿上梁州以梁字在穿右廣州以
 廣字在穿右東川以梓字在穿上福州以福字在穿上丹州以
 丹字在穿上桂陽監以桂字在穿右李孝美錢譜背文復有襄

字或在穿右梁字或在穿上者但楊字錢終莫之見疑當時已
行昌字而未嘗改耳續文獻通考宋理宗寶祐三年六月仙遊
縣南橋溪上魁星祠湧出開元錢居民取之背又有闕字愚案
會昌中開元錢以天下州郡各爲背文共爲二十三件考唐食
貨志武德四年洛并幽益桂等州皆置監開元二十六年宣潤
等州初置監絳州三十鑪揚潤宣鄂蔚皆十益州郴州皆五洋
州三定州一共爲鑪九十九又據地理志商州有洛源監郴州
有桂陽監河東蔚州飛狐有三河銅冶河中府解縣有紫泉監
揚州丹陽監廣陵監宣州南陵有梅根宛陵二監鄂州有鳳山
監饒州有永平監銅坑三信州有玉山監銅坑一鉛坑一絳州
有銅源翔臯錢坊二梓州有銅山錢監會昌時天下共置二十
二錢監故背文字以表之至若背文昌字舊譜云以表年號董

道以昌爲成都未知孰是

咸通錢



封演錢譜唐咸通十一年桂陽監鑄錢官王彤進新鑄錢文曰
咸通元寶尋有勅停廢不行愚案此錢今尚見徑八分重三銖
二參

天成錢



宋白續通典天成元年十二月勅中外所使銅錢內鐵鑱錢卽
宜廢棄不得行使二年八月禁銷銅錢四年禁鐵鑱錢董道續
錢譜天成元寶後唐明宗年號至德年間安慶緒亦改元天成
未知鑄錢否洪遵泉志徑九分重三銖六參文曰天成元寶計
當時所鑄而五代史後唐紀不載

● 大興錢



董道錢譜張台云馮琪所鑄稗史類編大興平寶錢之鏤有丁
字疑五代僭偽錢也

天福錢



五代史晉本紀高祖天福元年十一月丁酉皇帝卽位國號晉
已亥大赦改元紀元表丙申晉高祖天福元年通鑑天福三年
三月晉禁民銅器注初唐世天下鑄錢有三十六治亂喪以來
皆廢絕錢日益耗民有銷錢爲銅器故禁之稗史類編天福鎮
寶晉氏日史以爲趙石勒所鑄董道錢譜天福石晉年號當時
自有天福鎮寶錢文見晉史舊史愚案此錢洪氏泉志舊列不
知年代品李孝美云自上及右旋讀以爲天鎮福寶與石晉錢
殊不相侔豈其別種耶

天德錢



十國紀年閩史王延政天德二年鑄天德通寶大鐵錢一當百
董道錢譜建州王氏錢面文天德重寶背文穿上有殷字稗史
類編天德重寶偽殷王延政所鑄錢之鏤有殷字洪遵泉志王
延政以建州建國稱殷故幕文爲殷字通寶重寶之異亦當時
鑄此二品耳

永隆錢



五代史王延義立改元永隆鑄大鐵錢以一當十十國紀年閩
史王延義永隆四年八月鑄永隆通寶大鐵錢一當鉛錢百洪
遵泉志此錢徑寸四分重十銖二參文曰永隆通寶字文夷漫
製作不精以銅爲之五代史不載錢文十國史又遺銅品此錢
計當時所鑄愚案予在天竺寺僧人掘地獲古錢二百餘文內
有永隆通寶銅錢三枚徑寸二分半重十銖

永平錢



五代史前蜀世家王建武成三年十二月大赦改明年元為永平
董道錢譜永平元寶前偽蜀王建鑄
通正錢



五代史前蜀世家王建永平五年改元通正
董道錢譜通政元寶前偽蜀王建鑄
天漢錢



五代史前蜀世家王建通正元年十月大赦改明年元曰天漢
國號漢董道錢譜天漢元寶前偽蜀王建鑄
光天錢



五代史前蜀世家王建天漢元年十二月大赦改明年元曰光
天董道錢譜光天元寶前偽蜀王建鑄
乾德錢



五代史前蜀世家王建卒子衍立明年改元乾德董道錢譜乾德通寶前偽蜀王衍鑄愚案乾德錢今見以元寶為文蓋當時本有二品也

廣政錢



五代史後蜀世家孟昶明德五年改元曰廣政十國紀年後蜀史蜀主昶明德二年十二月丁亥申嚴錢禁明年改元廣政會

要偽蜀廣政中始鑄鐵錢每鐵錢一千兼以銅錢四百凡銀一兩直錢千七百絹一疋直錢千二百而鐵工精好殆與銅相亂既平蜀沈倫等悉取銅錢上供及增鑄鐵錢易民銅錢益買金銀裝發頗失裁制物價增長尋又禁銅錢入川界鐵錢十乃直銅錢二董道錢譜廣政通寶前偽蜀孟昶改元洪遵泉志此錢當時所鑄徑九分重三銖銅質渾厚字八分書

漢通錢



白續通典乾祐元年四月膳部郎中羅周裔上言請在京置錢監俾銅盡為錢以濟軍用蘇耆開譚錄漢乾祐中以晉室鼓鑄

錢弊偽濫非一乃禁銅貨悉歸公帑董道錢譜漢元通寶後漢劉知遠年號洪遵泉志此錢徑寸重三銖六參文曰漢通元寶字文明坦製作頗精蓋懲天福之弊則漢代所鑄明矣愚案乾祐初國號曰漢錢文亦曰漢董氏謂通寶洪氏謂元寶讀各不同而義本無異也

周通錢



五代史周紀論世宗即位之明年廢天下佛寺三千三百三十六是時國中乏錢乃詔毀天下銅佛以鑄錢鄭向五代開皇紀顯德二年九月丙寅詔禁天下銅器始議鑄錢會要顯德二年

九月初云今採銅興治立監鑄錢蘇耆開譚錄世宗朝鑄周通元寶錢于後殿設巨鑪數十親觀鼓鑄李孝美錢譜徑寸重五銖文曰周通元寶形製精妙與唐開元錢相同董道錢譜周元通寶後周世宗毀天下銅佛鑄愚案後周太祖廣順元年春正月大赦改元國號周未聞鼓鑄至世宗顯德中毀銅佛鑄錢又遣尚書水部郎韓彥卿以帛數十疋市銅于高麗蓋鑄周通元寶錢今見一品徑八分重四銖與李氏所言不合殆年代久遠消磨使然歟

永通錢



五代史南唐世家李景困于用兵鍾謨請鑄大錢以一當十文曰永通泉貨天定錄顯德五年七月江南李氏鑄永通泉貨錢董道錢譜南唐李璟亦鑄大錢以一當十洪遵泉志此錢有三品字八分書者徑寸五分重八銖七參背面肉好皆有周郭篆文者徑寸三分重五銖七參輪郭厚重銅色昏暗又有背面為龍鳳形者計皆李氏所鑄李孝美獨載八分書者遺此一種豈未之見邪

保大錢



紀元表晉天福八年南唐李昇子景改元保大董道錢譜保大

元寶江南王璟鑄

唐國錢



十國紀年唐史元宗以周師南伐及割地歲貢方物府藏空竭錢貨益少遂鑄唐國通寶錢二當開元錢一馬令南唐書烈祖且殂謂元宗曰德昌官布億萬緡以給軍用吾死善脩鄰好北方有事不可失也及元宗即位兵屢起德昌泉布既竭遂鑄唐

國錢其文曰唐國通寶洪遵泉志此錢制度大小各殊有徑九分重三銖者有徑七分重二銖二參者字文並類大唐錢有徑寸二分重八銖與徑九分重三銖者形製相肖文皆篆字有種徑八分重二銖六參者字含八分及隸體背文有圓點又有小唐國鐵錢重一銖八參形製肖銅錢之小者愚案唐國錢大小各為三品字皆含八分隸篆三體小鐵錢徑六分作八分書小銅錢眊鐵錢稍大作篆隸二體大錢並徑九分有奇字文各為篆隸八分重皆三銖洪氏謂皆篆字殆未見隸與八分者爾

大唐錢



馬令南唐書元宗鑄大唐通寶與唐國錢通用數年漸弊百姓盜鑄極為輕小董道續錢譜大唐通寶南唐世家鑄五代史不載又有錢子洪遵泉志徑八分重三銖四參文曰大唐通寶又有徑七分者字文相類豈當時盜鑄耶愚案嘗見此錢有二等一為篆文一為楷書俱徑七分有奇重二銖半以下洪氏僅載楷書而未及篆文失之畧也

乾亨錢



五代史南漢世家梁貞明三年劉龔即位國號大越改元乾亨季孝美錢譜錢文曰乾亨重寶徑七分重六銖疑當時所鑄董

道錢譜漢劉儼所鑄洪遵泉志此錢止重三銖六參

乾亨鉛錢



十國紀年漢史劉龔以國用不足鑄鉛錢十當銅錢一乾和後多聚銅錢城內用鉛錢城外用銅禁其出入犯者抵死俸錄非特息不給銅錢洪遵泉志鉛錢有二品輪郭鏤薄文曰乾亨重寶大者徑寸重三銖九參重寶二字傳形小者徑九分重三銖六參余抵嶺外始獲此錢若銅錢今世所存至多

天策錢



通鑑綱目晉天福七年冬十月楚王希範作天策府注希範作天策府極棟宇之盛戶牖欄檻皆飾以金玉五代史楚世家馬殷請依唐太宗故事開天策府梁太祖拜殷天策將軍張台錢錄馬氏錢也董道錢譜殷據湖南八州地建天策府因鑄天策府寶洪遵泉志此錢文曰天策府寶徑寸七分重三十銖二參銅質渾重字文明坦史氏失其傳張董之說當有所憑也

泉幣圖說卷之四
 泉幣圖說卷之五
 泉幣圖說卷之六
 泉幣圖說卷之七
 泉幣圖說卷之八
 泉幣圖說卷之九
 泉幣圖說卷之十
 泉幣圖說卷之十一
 泉幣圖說卷之十二
 泉幣圖說卷之十三
 泉幣圖說卷之十四
 泉幣圖說卷之十五
 泉幣圖說卷之十六
 泉幣圖說卷之十七
 泉幣圖說卷之十八
 泉幣圖說卷之十九
 泉幣圖說卷之二十

泉幣圖說卷之四



終

泉幣圖說卷之五

聖宋錢

古宣州 涇縣 吳文炳 柳門 纂輯
 鸞 鳳白



宋史太祖本紀建隆元年春正月乙巳大赦改元定有天下之
 號曰大宋董道續錢譜聖宋元寶宋太祖鑄王伯厚玉海建隆
 二年三月禁鐵錫錢開寶四年正月雅州百丈縣興置錢監歲

鑄九千餘貫增十鑪九年七月昇州言歲鑄三十萬緡命通判
杜見素經度采銅江南舊用鐵錢十當銅錢之一太祖平吳因
舊制開監于鄱陽錢俶入朝又得杭州錢監尋廢初永平監鑄
開通元寶錢法肉好精妙至雜以鉛錫雖歲增數倍稍惡矣愚
案宋錢以聖宋通寶爲文者崇寧中所鑄聖宋元寶爲文者開
寶中所鑄今見聖宋元寶錢大小二等肉好精妙字文俱含篆
行二體

宋元錢



董道續錢譜宋元通寶宋太祖鑄通畧宋初錢文曰宋元通寶

歸田錄國家開寶中所鑄錢文曰宋元通寶至寶元中則曰皇
宋通寶近世錢文皆著年號惟此二錢不然者以年號有寶字
文不可重故也玉海國初錢文曰宋元通寶愚案此錢徑八分
有奇有肉好重一錢字含八分體宋上通右計宋太祖開寶中
鑄通畧謂宋錢淳化後以元寶爲文而歸田錄與玉海俱爲宋
人之書何宋通元寶宋元通寶所載各有不同殆亦如唐錢開
元開通之可通讀是則知宋以元寶爲文初不始于淳化也其
後祥符天禧錢又以通寶爲文則知淳化後錢文亦未必盡以
元寶也

太平錢



董道錢譜太平通寶宋太祖鑄玉海興國二年二月壬辰朔漕臣樊若水奏復用銅錢四年九月乙酉初聽銅錢入蜀八年三月奚嶼請于建州鑄大鐵錢文曰太平通寶尋以不便罷續文獻通考太平興國後又鑄太平通寶錢愚案開寶九年太祖崩弟晉王光義立丙子改元太平興國鑄太平通寶錢與宋通元寶字文形製輕重相似宋改元更鑄實始于此

淳化錢



玉海淳化元年五月乙未改鑄淳化元寶錢上親書其文作真草行三體自後每改元必更鑄以年號為文景德權衡式以御

書三體錢較定侯鯖錄前世錢文無草書淳化中太宗皇帝始以宸翰為之既成以賜近臣

至道錢



玉海至道二年十月己未池州新置錢監賜名永豐先是饒之永平歲鑄四十萬貫今分置是監共鑄六十四萬貫董道錢譜至道元寶宋真宗鑄愚案太宗端拱淳化後改元至道二年十月池州置錢監當是鑄至道元寶錢董氏謂真宗鑄非是今見此錢形製與淳化錢同書含真草行三體

咸平錢



董道錢譜咸平元寶宋真宗鑄玉海咸平二年五月宰臣齊賢請置監廣鑄命虞部郎馮亮等案視至建州置豐國監江州置廣寧監明年凡鑄一百二十五萬八月丙子祕閣校理杜鎬等承詔檢討鑄錢故事上之廣寧監歲鑄二十萬貫肇四月癸亥終七月己卯王元之為記咸平三年五月庚申馮亮以江南運副兼都大提點鑄錢使池江建州歲鑄百三十五萬貫研北雜志魏文靖云咸平錢十文重一两愚案至道三年太宗崩太子恆立是為真宗元年戊戌改元咸平鑄咸平元寶錢

景德錢



玉海景德二年二月知益州張永鑄大鐵錢于嘉邛四年五月詔行之一當十會要景德元寶大鐵錢依福州鐵錢每貫用鐵三十斤取二十五斤八兩成直銅錢一小鐵錢十相兼行用甚便董道錢譜景德元寶宋真宗鑄

祥符錢



董道錢譜祥符通寶宋真宗鑄玉海祥符元年六月癸巳賜輔


臣新鑄御書祥符通寶錢愚案真宗咸平景德後更年號為大
中祥符時鑄祥符通寶錢重一錢徑六分字文肉好並精

天禧錢



董道錢譜天禧通寶宋真宗鑄愚案真宗大中祥符後更號天
禧鑄天禧通寶與咸平祥符景德四品錢兼相行使

天聖錢



爲文玉海寶元元年八月丁卯復置發運使提點鑄錢事董道
錢譜皇宋通寶宋仁宗鑄愚案仁宗寶元中錢命文以皇宋通
寶以字文不可重故也錢重二銖半字含真篆二體

慶厯錢



董道錢譜慶厯元寶宋仁宗鑄玉海慶厯元年九月壬申以虢
州監爲朱陽監十一月詔江饒池錢監鑄錢百萬緡六年五月
壬寅以興元府西縣錢監爲濟遠監八年六月乙未詔陝西所
用江南儀商等州大銅錢以一當三其小鐵錢三當銅錢之一
燕翼貽謀錄慶厯初知商州皮仲容議采洛南紅崖虢州青水

銅置阜民朱陽二監鑄大錢一可當小錢三以之當十民間趨利盜鑄不已至八年張方平宋祁議以為當乃更詔銅錢當十皇祐錢



皇祐會計錄饒池建江韶五州鑄一百四十萬貫玉海皇祐元年二月丁卯以韶州新置監為永通監又皇祐二年二月詔大銅鐵錢並當常錢之一董道錢譜皇祐元寶宋仁宗鑄愚案此錢文曰皇祐元寶徑八分有奇字含篆楷二體今特見其楷書者

至和錢



玉海至和二年三月詔韶州岑水場銅發令漕司益鑄錢董道錢譜至和元寶至和通寶至和重寶宋仁宗鑄愚案至和元寶通寶錢並徑八分重二銖四參至和重寶徑寸一分重五銖半

嘉祐錢



玉海嘉祐四年二月癸未盜鑄乃止長編嘉祐四年以民間盜鑄大錢於是以見行當三大錢折小銅錢二謂之折二錢董道

錢譜嘉祐元寶嘉祐通寶宋仁宗鑄

治平錢



董道錢譜治平元寶治平通寶宋英宗鑄愚案嘉祐八年仁宗崩英宗立改元治平今見治平錢甚多字文皆以篆隸楷為之並徑七分

熙寧錢



玉海熙寧三年七月十三日陝西興置鑄錢監市峇水場銅鉛增鑄百萬緡六年六月壬辰行接二錢七月四日詔京西淮瀾江西荆湖六路各置鑄錢監一江荆以十五萬餘以萬緡為額七年三月二十八日以永興鑄折二錢備熙河之用二十四日三司言河北有銅五十七萬九千九百餘斤錫九千八百九十餘斤詔度地置監乃置黎陽監于衛州歲鑄三萬五千緡八年二月一日商號洛南增置三監耀鄆權置二監凡九監九月九日岷州置監十月十四日詔黎陽監歲增鑄折二錢五萬緡十一月十一日進熙河當二鐵錢樣九年六月八日罷折二錢十

月五日命饒州增鑄三十萬緡董道錢譜熙寧元寶熙寧重寶
 宋神宗鑄愚案熙寧初薛向鑄折二錢于陝西許彥先又鑄于
 廣南宰臣王安石請弛民鑄之禁而邊關所鑄雜惡易毀其青
 苗免役諸法無慮皆徵錢民無從得遂苦于錢荒今見熙寧重
 寶錢篆書者徑九分半楷書者徑一寸一分熙寧元寶錢篆書
 楷者並徑七分

元豐錢



會要元豐三年是歲諸路鑄錢總二十七監一作二十六監鑄銅鐵錢
 五百九十四萬九千二百三十四貫銅錢一十七監鑄錢五百
 六萬貫鐵錢九監鑄錢八十八萬九千二百三十四貫銅錢西
 京阜財監二十萬貫衛州黎陽監二十萬貫永興軍監陝州華
 州監各鑄二十萬貫絳州坦曲監二十六萬貫舒州同安監十
 萬貫睦州神泉監十萬貫興國軍富民監二十萬貫衡州熙寧
 監二十萬貫鄂州寶泉監十萬貫江州廣寧監二十四萬貫池
 州永豐監四十四萬五千貫饒州永平監六十一萬五千貫建
 州豐國監二十萬貫韶州永通監八十萬貫惠州阜民監七十

萬貫鐵錢號州朱陽兩監十二萬五千貫商州阜民洛南兩監各十二萬五千貫威遠鎮通遠軍沿山鎮岷州兩監二十萬貫興州濟眾監四萬一千貫嘉州豐遠監二十萬五千貫邛州惠民監七萬三千二百三十四貫三州鑄大錢以當十凡銅錢行一十三路銅鐵錢兩路鐵錢四路元豐四年二月十四日詔秦州置監六年三月丙子朔詔徐州置寶豐監以四十萬緡為額七年四月五日以利國監鐵置寶豐下監五月三日梧州置監以十五萬緡為額八日萬州置鐵錢監八月朔同州置鐵錢監渭州復置博濟監七年天下坑冶凡一百三十餘所八年十二月八日戊寅詔罷增置監十有四愚案神宗改元元豐鑄元豐通寶錢大小凡五六等輕重不一今世多見之

元祐錢



董道錢譜元祐通寶宋哲宗鑄玉海元祐二年七月二十一日置河中府龍門韓城錢監八年五月十一日罷二廣鑄二折錢八月陝西復鑄小銅錢愚案元祐錢大小二等面文字含篆行二體

紹聖錢



玉海紹聖二年十二月施州置廣積監始命提點刑獄兼治坑冶明年又詔轉運使預聞其事憲案宋哲宗元祐後改元紹聖更鑄紹聖元寶錢式遵小平錢舊制字畫分明每枚計重一錢合十枚重一兩徑八分有奇銅色純青與元祐錢相似

元符錢



董道錢譜元符通寶宋哲宗鑄愚案哲宗戊寅改元元符鑄元符通寶錢大錢徑寸二分每枚重二錢小錢徑六分餘每枚重一錢銅色微赤字含楷篆行三體背面肉好俱有周郭今尚多見

崇寧錢





宋史食貨志崇寧四年立錢綱驗樣法崇寧監以所鑄御書當十錢來上緡用銅九斤七兩有奇鉛半之錫居三之一詔頒其式于諸路令赤及烏背字畫分明玉海崇寧元年八月戶部言江池饒建四監歲額上供新錢一百三十餘萬貫二年十月行當十錢三年二月復置寶豐黎陽監九月詔東南十監舒衡睦鄂韶梧六監鑄小錢餘五監鑄當十錢四年閏二月汝州魯山置監并陝西兩河京西十八監鑄夾錫錢愚案宋徽宗辛巳卽位號建中靖國明年壬午改元崇寧時鑄新錢當十文曰崇寧

重寶作隸書文曰崇寧通寶作行楷書字畫明坦秀峻肉好甚精徑一寸三分

聖宋通寶錢



宋史食貨志崇寧時蔡京當政許天啟迎合京意請鑄當十錢五月始令陝西及江池饒建州所鑄小平錢增料當五大銅錢以聖宋通寶爲文

大觀錢



宋史食貨志天觀元年蔡京復相再主用折十錢二月首鑄御書當十錢以京畿錢監所得私錢改鑄尋興復京畿兩監以轉運使宋喬年領之用提舉京畿鑄錢司爲名喬年鑄烏背漉銅錢來上詔以漉銅式頒行諸路三年京罷政詔以兩浙鑄夾錫錢擾民凡東南所鑄皆罷明年并河北河東京東等路罷之所存用改鑄小平錢玉海天觀二年七月懷衛州建鑄錢院四年三月壬戌罷江淮等路銅事併入鑄錢司日知錄金世宗大定十九年則以宋大觀錢一當五用矣愚案徽宗丁亥更號大觀御書錢文曰大觀通寶徑六分有奇重一錢字畫勁健肉好俱精

政和錢



宋史食貨志政和初錢輕物重細民艱食初行鐵錢依元豐大鐵錢折二公私通行夾錫錢同之童貫宣撫陝西以詔亟平物價繼而請與舊法鐵錢並折二通行知閩鄉縣論九齡俄坐以銅錢一估夾錫錢七八并王宗張深俱被劾關中錢甚輕夾錫欲以重之其實與鐵錢等物價日增患甚于當十二年京復得政請復鑄如故命諸路以銅錢監復改鑄夾錫遂以政和頒式

夾錫既復推行民皆告罰四年詔令期三日官私俱禁不用仍
罷鼓鑄夾錫錢止用舊法鼓鑄玉海政和四年四月復融州寶
新監六年四月置邕州通寶監

重和錢



宋史食貨志重和元年權罷京西鑄夾錫錢繼以關中糴買用
之通流復命鼓鑄專給關中夾錫行小民往往以藥點染與銅
錢相亂愚案徽宗政和後改元重和鑄重和通寶錢據史書徽
宗號重和者僅及一年故重和錢亦不多見

宣和錢



董道錢譜宣和通寶宣和元寶宋徽宗鑄玉海宣和六年七月
罷萬州廣濟監愚案徽宗時蔡京當政以利惑主託假紹述之
說肆為紛更之謀為當五為當十為當二或行京師或頒諸路
徐處仁之議既寢王張之輩因以被劾自崇寧迄宣和凡二十
餘年錢法既五六變庫務所積一千三百餘萬諸監鑄九百餘
萬諸路餘鏹三十餘萬通內外所積凡五千萬有奇御府支用

日廣東南供給不敷皆蔡京罔上毒民之所致也

靖康錢



董道錢譜靖康元寶靖康通寶欽宗鑄

建炎錢



玉海建炎元年七月丙辰工部郎李士觀言江池饒建州四監歲鑄錢百三十三萬餘緡多未輸者今發運司委官催督九月

壬辰始通當三大錢于淮荆荆湖諸路政和舊法大錢止行于京畿東西河東北由是東南小平錢甚重而物輕張壽言改當十為當三無私鑄之利請行於東南從之九月壬辰鑄建炎通寶三年命江池饒錢監以二萬五千緡為一綱愚案宋史欽宗北狩丁未康王構即位應天府治改元建炎是年鑄錢以建炎重寶建炎通寶為文字舍八分篆隸三體

紹興錢



中興會要紹興元年八月十八日工部進直篆當二小平銅鐵錢牙樣詔下鑄錢司三年八月工部侍郎李擢言國初得唐乾元中所置永平監舊址因之歲鑄四十六萬緡逮至道咸平置永豐廣寧豐國三監總鑄八十六萬餘緡一歲上供百三十餘萬緡紹興二年八月併廣寧永豐于虔饒兩司分歲額是年又罷豐國令虔司閩漕各立歲額鑄不及往時十二三纔八萬緡十五年七月四日置利州鑄錢監二十六年六月十六日上謂錢法開元始精緻國家太平祥符崇寧錢亦精二十八年七月庚辰嚴銅禁紹興三十年五月丙戌諸路歲鑄錢以五十萬緡爲額明年纔鑄及十萬緡惟嚴州神泉監直輸行在而建韶甌贛皆輸內帑

隆興錢



紀元表癸未孝宗隆興元軍道錢譜隆興通寶孝宗年號

乾道錢



會要乾道二年五月二十五日命工部侍郎薛良朋措置諸路坑冶良朋言歲鑄錢一百六十一萬七千九百三十五貫約用銅五百五萬六千餘斤以銅少權以五十五緡爲額詔之岑水銅六十二萬斤今增爲七十七萬潭之永興五萬斤今增爲十

五萬信之鈔山三十八萬斤潼州利州一萬四千六百六十二斤七月鑄錢司言銅歲取七百五萬七千二百六十三斤有奇鐵歲收二百十六萬二千一百四十四斤有奇鈔三百二十一萬三千六百二十二斤有奇錫七十六萬一千二百四斤玉海乾道八年十二月提點官二員分治饒贛合璧事類淮上舊鑄銅錢兵火後舒州不復鑄錢但行饒建等錢而已乾道初樞密安宅爲右諫議大夫議以銅錢多入北境請禁之而卽蜀中取鐵錢行之淮上愚案錢文乾道元寶有真書篆書二等

淳熙錢



宋史食貨志淳熙十二年詔舒蘄鑄錢並增五萬貫以淳熙通寶爲文愚案淳熙錢有通寶元寶二等篆文有十四十六等字及上有眉文下一星者

紹熙錢



紀元表庚戌光宗紹熙元年愚案紹熙元寶錢徑九分有奇宋史及諸譜俱未載

慶元錢



紀元表乙卯寧宗慶元元年董道錢譜慶元通寶寧宗年號甲
興會要慶元三年二月癸巳復禁銅器愚案寧宗時鑄慶元通
寶銅鐵錢二等銅錢計重二錢徑寸有奇幕有五六等字鐵錢
重一錢徑七分背有春五等字
嘉泰錢



紀元表辛酉寧宗嘉泰元年董道錢譜嘉泰通寶寧宗年號愚
案徑一寸重一錢八分背有二三等字

開禧錢



紀元表乙丑寧宗開禧元年重道錢譜開禧通寶開禧元寶寧宗年號愚案開禧錢二等並徑一寸計重一錢二分幕文爲元二三字今據宋史寧宗號開禧者凡三年其幕面字蓋區別年分也

嘉定錢



宋史食貨志嘉定元年即利州鑄當五六錢三年制司欲盡收

舊引又于紹興惠民二監歲鑄三十萬貫其料並同當三錢愚案寧宗改元嘉定更鑄嘉定通寶元寶二等錢幕文爲五六十等字每枚計重二錢

大宋錢



宋史食貨志寶慶元年新錢以大宋通寶爲文愚案宋紀嘉定十七年閏八月丁酉寧宗崩理宗嗣位改明年爲寶慶元年錢當以寶慶通寶爲文今見其錢文曰大宋通寶蓋猶開寶中以宋元通寶寶元中以皇宋通寶爲文也錢徑一寸重二錢幕面有三字

紹定錢



紀元表戊子理宗紹定元年董道錢譜紹定通寶理宗年號愚案紹定通寶錢與大宋錢輕重相同今見幕面有四六等字者

端平錢



紀元表甲午理宗端平元年董道錢譜端平元寶理宗年號愚案端平錢今不多見


嘉熙錢



宋史食貨志嘉熙元年新錢當二并小平錢並以嘉熙通寶當三錢以嘉熙重寶為文董道錢譜嘉熙元寶理宗年號愚案嘉熙錢今見有通寶元寶重寶三等董氏譜第載嘉熙元寶未及通寶重寶宋史言通寶重寶未及元寶茲特列三圖于右

淳祐錢





紀元表辛丑理宗淳祐元年董道錢譜淳祐元寶理宗年號愚
 案淳祐中鑄錢元寶重寶通寶三等幕面有元二三四五六七
 八九十十一十二字據宋史理宗號淳熙者十二年即此錢幕
 面字可驗

皇宋錢



宋史食貨志寶祐元年新錢以皇宋元寶為文愚案理宗寶祐
 中鑄錢亦以年號有寶字故以皇宋元寶為文徑一寸重二錢
 一分幕面無字

開慶錢



紀元表已未理宗開慶元年董道錢譜開慶元寶理宗年號愚案今見開慶通寶錢背有元字

景定錢



紀元表庚申理宗景定元年董道錢譜景定元寶理宗年號愚案景定錢徑七分重一錢五分

咸淳錢



董道錢譜咸淳元寶度宗年號愚案咸淳錢背有元十等字每枚重一錢三分宋錢文元寶者元字俱在下而景定咸淳二錢元字獨在右

德祐錢



紀元表乙亥恭帝德祐元年愚案德祐元寶錢計當時所鑄董氏譜謂度宗年號非是

景炎錢



紀元表丙子端宗景炎元年愚案此錢徑六分有奇重一錢宋端宗福州鑄宋史不載

泉幣圖說卷之五

終

泉幣圖說卷之六

天贊錢



古宣州 涇縣 吳 文炳 柳門 纂輯 鳳白

五代史契丹主阿保機年號曰天贊紀元表後梁龍德二年遼天贊元洪遵泉志余案此錢徑九分重三銖六參文曰天贊通寶

應歷錢



紀元表周太祖廣順四年是年遼世宗崩太宗子壽安王述律立是為穆宗改元應歷憲案此錢文曰應歷重寶穆宗時鑄

乾亨錢



續文獻通考遼景宗始鑄乾亨新錢董道錢譜乾亨通寶宋太平興國七年耶律隆緒鑄憲案此錢鑄于聖宗非始于景宗據紀元表太平興國七年遼景宗崩長子隆緒立是為聖宗與董

氏之說適合

統和錢



紀元表太平興國八年遼聖宗統和元復國號曰大契丹董道錢譜統和元寶宋太平興國八年耶律隆緒鑄

太平錢



紀元表天禧五年遼太平元董道錢譜太平元寶宋天禧五年

耶律隆緒鑄續文獻通考聖宗兼鑄太平錢愚案此錢重二銖六參徑八分有奇文曰太平元寶其文自上及右讀之字畫輕細與乾亨通寶相似銅色微赤錢面不磨礪計遼聖宗太平中所鑄

重熙錢



紀元表遼聖宗崩太子宗真立是為興宗改元景福宋明道二年是年遼重熙元洪遵泉志余案此錢徑九分重三銖文曰重熙通寶

清寧錢



董道續錢譜清寧通寶宋至和二年耶律隆緒鑄洪氏遵泉志此錢徑九分重三銖文曰清寧通寶愚案此錢遼道宗所鑄而董氏謂宋至和二年遼聖宗鑄不知聖宗崩于宋天聖九年太子宗真立是為興宗宋至和二年遼興宗崩長子洪基立是為道宗始改元曰清寧當時鑄錢文曰清寧通寶非聖宗所鑄明矣

咸雍錢



紀元表宋英宗治平二年遼咸雍元董道錢譜咸雍通寶宋治平二年耶律洪基鑄

太康錢



徐兢高麗圖經契丹咸雍十年改太康至十年改元大安紀元表宋熙寧八年遼太康元董道錢譜太康元寶太康通寶宋熙寧七年耶律洪基鑄洪遵泉志此錢有二品並徑九分重二銖四參以太康通寶太康元寶為文續文獻通考道宗之世錢有四等曰咸雍大康大安壽隆愚案大康錢今尚多見

大安錢



紀元表宋元豐八年遼大安元洪遵泉志余案此錢徑八分重二銖八參文曰大安元寶今世多有

壽隆錢



紀元表宋紹聖二年遼壽隆元董道錢譜壽昌元寶遼道宗壽昌年鑄洪遵泉志余案此錢徑九分重二銖四參文曰壽昌愚案此錢文曰壽隆元寶董洪二家譜俱謂文為壽昌援引故實

以証之今據紀元表為遼壽隆正續文獻通考道宗之世有壽隆錢及觀錢文可証

乾統錢



紀元表宋建中靖國元年遼道宗崩孫燕國王延禧立是為天祚帝改元乾統董道錢譜乾統元寶徽宗崇寧元年延禧鑄洪遵泉志此錢徑寸重三銖二參文曰乾統元寶正續文獻通考天祚之世更鑄乾統天慶二等新錢

天慶錢



紀元表宋政和七年遼天慶元董道錢譜天慶元寶宋政和二年契丹國主在燕山府鑄洪遵泉志此錢徑九分重二銖四參文曰天慶元寶自天贊錢以下九品皆契丹年號計當時所鑄

阜昌錢



稗史類編阜昌重寶高宗建炎四年偽齊劉豫僭號改元阜昌時鑄董道續錢譜阜昌重寶宋高宗建炎四年知齊南府劉豫

叛降金金以山東河南陝西爲濟國立豫號改元憲案此錢稗史與董氏譜俱言建交四年劉豫所鑄今據紀元表金立劉豫爲濟王改元阜昌則在高宗紹興元年是知阜昌重寶錢非鑄于建炎四年也

正隆錢



董道錢譜正隆元寶金海陵王鑄于大元府正續文獻通考金初用遼宋舊錢海陵正隆三年始置錢監鑄錢文曰正隆通寶輕重如宋小平錢而肉好字文峻整過之

大定錢



稗史類編大定元寶金世宗鑄有申酉字續文獻通考金世宗大定十八年代州立監鑄錢初鑄斑駁不可用更命工部郎中張大節吏部員外郎麻珪監鑄其錢文曰大定通寶字文肉好世傳其錢料微用銀云又金世宗大定中諭宰臣云今者外路見錢其數甚多聞有六千餘萬貫皆在僻處積貯不散與無等耳今中都歲費三百萬貫支用不繼不若致之京師不過少有輓運之費縱所費多亦不過散在民耳愚案金世宗卽位于遼陽改元大定此錢計當時所鑄面文大上定下背文有申字在穿上酉字在穿下亦有無字者面文字極峻整

泰和錢



續文獻通考章宗鑄泰和通寶錢愚案嘗見泰和重寶為文者
貞祐錢



續文獻通考金宣宗鑄貞祐通寶御史田廻秀言錢幣欲流通
必散歛有術輕重相權而後可愚案此錢輕重大小與正隆錢
等

至大錢



稗史元世嘗以錢幣問大保劉又貞公秉忠公曰錢用于陽楮
用于陰華夏陽明之區沙漠幽陰之域今陛下龍興朔漠君臨
中夏宜用楮幣俾子孫世守之若用錢四海且將不靖遂絕不
用錢迨武宗頗用之不久輒罷元史武宗至大三年初行錢法
立資國院泉貨監以領之其錢曰至大通寶一文準銀鈔一釐
王都中傳武宗詔更鈔法行銅錢以都中為通才除江淮錢貨
監凡天下為監者六惟江淮所鑄錢號最精草木子元朝只行
鈔法而不鑄錢獨至大官裏行至大二等錢當五以蒙古字書

小錢以楷書憲案至大錢武宗至大中鑄徑七分重一銖四參
大元錢



元史天元通寶一文準至大通寶錢十文與歷代銅錢通用其
當五當三折二並以舊數用之
皇慶錢



紀元表壬子仁宗皇慶元年續董道錢譜皇慶通寶仁宗造

至治錢



紀元表辛酉英宗至治元年續董道錢譜至治通寶英宗造
至和錢



紀元表戊辰泰定帝致和元年續董道錢譜至和通寶泰定帝
造

至正錢



紀元表辛巳順帝至正元年續董道錢譜至正通寶順帝年號

大中錢



太祖實錄歲辛亥二月置寶源局于應天府鑄大中通寶錢與
歷代之錢兼相行使明史食貨志大中通寶錢四百文爲一貫
四十文爲一兩四文爲一錢及平陳友諒命江西行省置貨泉
局頒大中通寶錢大小五等式續文獻通考明洪武初鑄大中
通寶與歷代錢兼行愚案大錢鏤有十字殆以一當十者也

洪武錢



明史食貨志洪武通寶錢其制凡五等曰當十當五當三當二
當一錢重一兩餘遞降至重一錢止各行省皆設寶泉局與寶
源局並鑄而屢私鑄之禁四年改鑄大中洪武通寶大錢爲小

錢初寶源局鑄京字于背後冬不鑄民間無京字不行故改鑄小錢以便之愚案洪武小錢今見背有浙字者蓋各行省錢監之名也

永樂錢



明史食貨志成祖九年改鑄永樂通寶鄭紀疏通錢法疏洪武之錢最小而重一錢永樂之錢稍大而重八分續文獻通考成祖錢曰永樂通寶

宣德錢



明史食貨志宣德九年鑄宣德錢續文獻通考宣宗曰宣德通寶錢

天順錢



紀元表景泰八年廢代宗英宗復辟改元天順愚案此錢世宗補鑄明史不載

宏治錢



明史食貨志宏治十六年以後鑄宏治錢

正德錢



正德武宗年號正德通寶錢有大小二等輪郭肉好鑄面有龍

鳳文俗云正德錢婦人臨產握之則易

嘉靖錢



明史食貨志嘉靖六年大鑄嘉靖錢每文重二錢三分且補累朝未鑄者三十二年鑄洪武至正德九號錢每號百萬錠嘉靖錢千萬錠日知錄曰嘉靖所鑄之錢最爲精工隆慶萬曆加重半銖世宗實錄嘉靖十五年九月甲子巡視五城御史閻隣等言國朝所用錢幣有二曰制錢祖宗列聖及皇上所鑄如洪武永樂嘉靖是也曰舊錢歷代所鑄如開元太平淳化祥符

等錢是也二十年來二錢並行民咸利之愚案嘉靖時錢法漸敝私鑄薄惡詔嚴禁之既而定新舊錢爲二則上者以七十分文准銀一錢中者倍焉官司收稅亦准此例

隆慶錢



續文獻通考穆宗錢曰隆慶通寶愚案隆慶穆宗年號其錢文曰隆慶通寶考明史隆慶初錢格不行議者謂私鑄混淆及稅課不收錢所致也今見隆慶通寶錢徑七八分有奇計重一錢分好俱精

大明錢



明史食貨志隆慶時直隸巡案楊家相請鑄大明通寶錢愚案此錢銅色純青面文曰大明通寶背文有一字其輕重大小與隆慶通寶錢相似

萬曆錢



明史萬曆四年命戶工二部準嘉靖錢式鑄萬曆通寶金背及火漆錢一錢二分五釐鑄璇邊錢一文重一錢三分

頒行天下
萬曆初從科臣
各行省鼓鑄新錢與舊錢並
行每錢百文重十三兩必輪郭
正文字明潔以杜私鑄之弊
已而官鑄日媮私鑄益盛

泰昌錢



紀元表萬曆四十八年八月太子常洛立
為光宗改元泰昌
元年九月崩長子由校立
明史食貨志天啟元年鑄泰昌錢

天啟錢



明史食貨志天啟元年兵部尚書王象乾請鑄當千當百當十
三等大錢用純文畧倣白金三品之制于是二京皆鑄大錢後
有言大錢者詔南京停鑄錢收大錢發局改鑄愚案天

啟錢大小不一小錢背文有戶字大錢背文有十字亦
有上為十字大為一兩字者

崇正錢





知錄近今錢乃有別鑄字鏤處者天可大錢始鑄一兩字崇
 正錢有工戶等字錢品益雜而天下亦萬案崇正錢大小凡
 數十餘種嘗見幕面字有戶字在穿上丁字在穿上一字在
 穿右清忠字在穿上下戶白字在穿上下捌字在穿下季字在
 穿上又戶字在穿下官字在穿上口字在穿上加字在穿上甲
 字在穿下
 一分字在穿上下八錢字在穿右局字在穿上
 平字在穿上下青字在穿下廣字在穿上貴字在穿上戊字在
 穿上新字在穿上奉制字自右遞上重字在穿上二字在穿口
 二厘字在穿右及有穿上一星者有馬形者有無文者

水滸圖說

卷六



終

